

Vocero di Gobierno Otmar Oduber:

# Nombramento di Armand Engelbrecht a bay segun procedimiento prescribi den Ley

ORANJESTAD (AAN): Den e rueda di prensa di diahuebs dia 6 di januari Vocero di Gobierno, sr. Otmar Oduber a aclarea e punto di nombramento di sr. Armand Engelbrecht como voorzitter di Raad van Advies. "Tabata tin diferente comentarionan cu a bin dilanti cu nos ta sinti cu como Gobierno mester duna reaccion riba nan. Particular-

mente ora cu ta trece den discusion e forma con sr. Engelbrecht a worde nombra den e Raad van Advies y sigur e ontslag di sr. Tommy Leest cu a tuma lugar," sr. Oduber ta declara.

Segun Vocero di Gobierno tin diferente procedimientonan pa nombramento y retiro di personanan cu ta forma parti di cualkier comision di Gobierno. "Mi kier a reitera cu den e caso aki tabata tin diferente ponencianan cu a bin dilanti, por ehempel, cu sr. Armand Engelbrecht tabata liga politicamente na partido AVP y cu esaki lo por ta inconveniente," el a agrega.

Den su declaracion sr. Oduber a sigui bisa cu Gobierno ta contra e ponencia aki mirando cu Aruba ta un comunidad chikito y no mester ataca integridad di un persona pasobra cu e ta liga na un of otro organizacion politico.

Sr. Engelbrecht ta un persona cu tin un trayectoria largo no solamente den politica, sino



den hopi otro ramo aki na Aruba. E ta un persona cu a carga responsabilidatnan halto den e comunidad y mescos cu otro miembronan activo actualmente den Raad van Advies cu tambe tabata of ta forma parti di un of otro organizacion politico, directamente of indirectamente, sa di sirbi e funcion corectamente.

Sr. Oduber a sigui splica cu nombramento di sr. Engelbrecht a bay segun articulo tres cu ta delinea con e miem-

bronan di Raad van Advies por worde nombra y den e caso aki articulo tres ta bisa: "De leden van de Raad worden benoemd op voordracht van de Minister van Algemene Zaken na overleg met de Minister van Justitie. Voor de benoeming van de voorzitter wordt het Raad gehoord, voor de benoeming van de overige leden doet de raad een aanbeveling."

Den e caso aki e Raad a worde scucha. Nan a bin cu nan proposicionnan pa loke ta e

miembro cu lo mester ocupa e posicion di voorzitter di Raad van Advies y despues cu a scucha e miembronan di Raad van Advies a yega na e decision manera cu ta worde prescribi den articulo tres den overleg cu Ministro di Husticia. Na final a resalta cu sr. Armand Engelbrecht ta e persona indica pa ocupa e posicion aki.

Vocero di Gobierno a sigui splica cu pa loke ta sr. Tommy Leest den e caso aki articulo cuater ta bisa con un persona ta worde ontslagen for di su funcion. Den e caso aki articulo cuater enciso b ta bisa bon cla cu: "Ora e persona yega e edad di 70 aña e mester baha for di su posicion den Raad van Advies. Esaki ta e caso cu a tuma lugar cu sr. Leest y pa e motibo aki el a haya su retiro segun e fecha cu el a cumpli e edad aki.

"Mi ta kere cu di e forma aki nos a aclarea e punto cu tabata tin di discusion pa loke ta nombramento di un miembro den Raad van Advies," sr. Otmar Oduber ta conclui.

## Patient di 86 aña obliga pa sali di Hospital

ORANJESTAD (AAN): Ayera anochi, segun e informacionnan cu a yega na redaccion, un dama patient di 86 aña di edad, tur malo y cu ta sufri di pulmon y corazon, a wordo obliga pa sali di hospital.

Segun familiarnan cu a tuma contacto cu redaccion, e dama tabata basta malo, a pase pa dos diferente camber y ultimo pa 3er piso, y cu intencion cu e lo sali awe for di hospital, manera docter a bisa nan.

Pero ayera durante bishita, e familia a wordo bisa cu nan mester saca e mama for di hospital mes ora.

E keho ricibi ta indica cu e señora na dado momento lo a cuminsa papia bruha y cu lo a dicidi di no tene mas den hospital y manera e familia a wordo bisa: "hospital no ta responsabel pe", locual a cay masha na malo, pasobra ta trata di un patient cu ta malo y ta hospital na unda e ta interna mester ta responsabel pa cuido di su salud.

E familia a keda masha rabia cu mester a saca e mama den tur awacero cu tabata tin y un patient cu ta sufri di pulmon y corazon, y cu no ta manera pa patientnan ser trata den hospital y den e era moderno aki cu tanto ta ser gaba cu modernismo.

**TELEFONAN  
DI DIARIO  
826747  
FAX  
828551**

## WILLEM VROLIJK TA Y2K READY!!

